

Dieses sey nun genug bewiesen/dasß bey etlichen Menschen/ insonderheit bey den Melancholicis ein humor acidus sey / welcher alle leicht solvirliche Metallen vnd lapides genugsamb solviren könne / vnd derhalben nicht nöthig sey/ dasß Perlen/ Corallen/ oder ihres gleichen / zuvorn durch corrosivische Wasser gemartelt / ehe sie administrirt werden: Sondern dasß der Archæus stomachi vber solche leicht solvirliche Dinge/ dieselben zu erlegen/dasß jenige das ihm dienet / zu sich zu nehmen / vnd das vbrige von sich zu stossen / durch Hülfß offtermelder Humoren / Meister genug sey.

Dasß es aber mit allen Metallen vnd lapidibus also müsse verstanden werden / ist meine Meynung allhier nicht / sondern mir wol bewust / dasß andere Metallen vnd Steine (etliche außgenommen) ohne vorhergehender Præparation / zur Medicin vnrüchtig / sondern ehe solche den Krancken administrirt werden/erstlich darzu bequem gemacht werden müssen. Vnd ist solches nur darumb angezeiget / dasß man sehen kan / wie biß weilen ein gutes Befen (solches in Meynung zu verbessern) von Leuten / welche der Natur / vnd ihrem Vermögen nicht gründtlich nachdencken / verbösert vnd verderbt wird.

Will verhoffen/es werde mir solche Erinnerung niemand für vbel auffnehmen / dann ich solches nicht / dardurch eine eitle Ehr / sondern meines Nächsten Nutzen zu suchen gethan habe.

Lasset vns nun wiederumb zum Vitriolo  
 ten. schreibe  
C A-